

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ԶԵՎՈՎ ՏՐԱՄԱԴԻՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

«29» «07» 2022 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ Պետական մարմին)՝ ի դեմս նախարարության կանոնադրության հիման վրա գործող գլխավոր քարտուղար Գ. Սաֆարյանի, մի կողմից, և «Պատմամշակութային ժառանգության գիտահետազոտական կենտրոն» ՊՈԱԿ-ի (այսուհետ՝ Կատարող)՝ ի դեմս կազմակերպության կանոնադրության հիման վրա գործող տնօրեն Խաչիկ Հարությունյանի, մյուս կողմից, (այսուհետ՝ միասին՝ Կողմեր), կնքեցին սույն պայմանագիրը (այսուհետ՝ Պայմանագիր) հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1. Պետական մարմինը հանձնարարում է, իսկ Կատարողը ստանձնում է Պետական մարմնի կողմից հատկացված միջոցներն ուղղել «Լոռվա պատմամշակութային ժառանգությունը» ծրագրի իրականացման ծախսերին՝ համաձայն Պայմանագրի անբաժանելի մաս կազմող ծրագրի (Հավելված N 1) և ծախսերի նախահաշվի (Հավելված N 2):

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պեղական մարմինը պարտավոր է՝

2.1.1. Ի կատարումն ՀՀ կրթության, գիտության, մշակույթի և սպորտի նախարարի 2022 թվականի հուլիսի 25-ի N 1360-Ա/2 հրամանի՝ հիմք ընդունելով ՀՀ կրթության, գիտության, մշակույթի և սպորտի նախարարության կողմից ֆինանսավորվող մշակութային դրամաշնորհային ծրագրերի «Թանգարանային ծրագրեր և միջոցառումներ» ծրագրի շրջանակներում դրամաշնորհի հատկացման մասնագիտական խմբի 2022 թվականի հունիսի 22-ի նիստի N 3 արձանագրությունը՝ Կատարողին հատկացնել գումարը «Հայաստանի Հանրապետության 2022 թվականի պետական բյուջեի մասին» օրենքի «1075. Մշակութային ժառանգության ծրագրի» «11004. Թանգարանային ծառայություններ և ցուցահանդեսներ» միջոցառման ՀՀ կրթության, գիտության, մշակույթի և սպորտի նախարարությանը նախատեսված անհատույց դրամաշնորհների հաշվին,

2.1.2. Պայմանագրի 6.1-ին կետով սահմանված ժամկետում ընդունել Կատարողի կողմից Պայմանագրի 2.3.3-րդ ենթակետով սահմանված կարգով ներկայացված հաշվետվությունները, ընդունելուց հետո ստորագրել հանձնման-ընդունման արձանագրությունը:

2.2. Պեղական մարմինն իրավունք ունի՝

2.2.1. Ցանկացած ժամանակ (պարբերաբար), առանց որևէ սահմանափակումների, ստուգել Կատարողի կողմից Պայմանագրի կատարման ընթացքը՝ չմիջամտելով վերջինիս գործունեությանը,

2.2.2. Կատարողի կողմից Պայմանագրի 2.3-րդ կետով նախատեսված պարտավորությունները չկատարելու դեպքում հետ պահանջել փոխանցված գումարը, միակողմանի լուծել Պայմանագիրը՝ դադարեցնելով պայմանագրով իր վրա դրված պարտավորությունների կատարումը,

2.2.3. Կատարողից պահանջել առանց լրացուցիչ վճարի վերստին կատարել ոչ պատշաճ ձևով կամ կարգով կատարված աշխատանքները,

2.2.4. Պայմանագրի 6.1-ին կետով սահմանված ժամկետում Կատարողից պահանջել ներկայացնել Պայմանագրի 2.3.3-րդ ենթակետով նախատեսված հաշվետվությունը:

2.3. Կատարողը պարտավոր է՝

2.3.1. Պայմանագրից բխող աշխատանքներն իրականացնել՝ ապահովելով Պայմանագրի անբաժանելի մաս կազմող նախահաշվի, ինչպես նաև Պայմանագրի այլ պարտադիր պահանջները,

2.3.2. Պետական մարմնի պահանջով նրան հաղորդել տեղեկատվություն աշխատանքների կատարման ընթացքի մասին,

2.3.3. Մինչև Պայմանագրի 6.1-ին կետով սահմանված հաշվետվությունների ներկայացման ժամկետի ավարտը Պետական մարմնին ներկայացնել հաշվետվություն (ֆինանսական և բովանդակային) իր կողմից իրականացված ծախսերի և կատարված միջոցառումների մասին: Ֆինանսական հաշվետվությունը պարունակում է Պետական մարմնի կողմից հաստատված ձևանմուշով լրացված ձևը (նախահաշվի ծախսերը հիմնավորող հաշվապահական և այլ փաստաթղթերը գտնվում են Կատարողի մոտ, վերջինս պատասխանատվություն է կրում հաշվետվությամբ ներկայացված տվյալների հավաստիության համար), իսկ բովանդակայինը՝ ամբողջական տեղեկատվություն միջոցառման իրականացման և ընթացքի մասին, այդ թվում արդյունքների գնահատումը, մասնակիցների քանակը, կցելով համապատասխան նյութեր (լուսանկարներ, ազդագրեր, հրավիրատոմսեր, մամուլի հրապարակումներ և այլ տեղեկատվական նյութեր)՝ էլեկտրոնային կրիչներով,

2.3.4. Պայմանագրից բխող աշխատանքները չկատարելու դեպքում վերադարձնել Պետական մարմնի կողմից տրամադրված գումարը և վճարել տուգանք սույն պայմանագրի 3.1-ին կետում նախատեսված գումարի 5,0 (հինգ) տոկոսի չափով,

2.3.5. Հրապարակել Պետական մարմնի անունը, իսկ համաֆինանսավորման դեպքում տրամադրել ամբողջական տեղեկատվություն՝ ծրագրին աջակցող կազմակերպության, ֆինանսավորման չափի և վերջինիս հետ ձեռք բերված այլ պայմանավորվածությունների մասին,

2.3.6. Ձեռնարկել իր կողմից հնարավոր բոլոր միջոցները՝ Պայմանագրի կատարման համար առաջացած խոչընդոտները վերացնելու նպատակով,

2.3.7. Սույն Պայմանագրի 1.1-ին կետով նախատեսված աշխատանքների կատարման գործընթացը կազմակերպել «Գնումների մասին» ՀՀ օրենսդրությամբ սահմանված կարգով,

2.3.8. Պայմանագրով սահմանված աշխատանքների իրականացման արդյունքում առաջացած տնտեսումների, ինչպես նաև չհիմնավորված ծախսերի գումարները վերադարձնել ՀՀ պետական բյուջե՝ ոչ ուշ քան մինչև 2022 թվականի դեկտեմբերի 23-ը:

2.4. Կատարողն իրավունք ունի՝

2.4.1. Պետական մարմնի կողմից Պայմանագրի 2.1.1-ին ենթակետով նախատեսված պարտավորությունները չկատարելու դեպքում միակողմանի լուծել Պայմանագիրը դադարեցնելով Պայմանագրով իր վրա դրված պարտավորությունների կատարումը,

2.4.2. Անհրաժեշտության դեպքում Պայմանագրի անբաժանելի մաս կազմող նախահաշվով նախատեսված ծախսային ուղղություններում իրականացնել յուրաքանչյուր ծախսային ուղղության գումարի 10 տոկոսի չափով շեղում՝ չխախտելով վճարումների համար սահմանված նորմերը:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Պայմանագրի 1.1-ին կետում նշված աշխատանքների իրականացման համար Պետական մարմինը Կատարողին հատկացնում է 2300,0 հազար (երկու միլիոն երեք հարյուր հազար) դրամ (ներառյալ հարկերը, տուրքերը և պարտադիր այլ վճարները)՝ համաձայն Հավելվածի N 2-ի,

3.2. Պայմանագրի 3.1-ին կետում սահմանված գումարի 80 %-ը Կատարողին հատկացվում է Պայմանագրի կնքումից հետո, իսկ 20 %-ը՝ Պայմանագրի 4.1-ին կետով նախատեսված հանձնման-ընդունման արձանագրությունը ստորագրելուց հետո՝ Կատարողի հաշվեհամարին փոխանցելու միջոցով:

3.3. Համաձայն «Հայաստանի Հանրապետության 2022 թվականի պետական բյուջեի մասին» օրենքի 7-րդ հոդվածի 22-րդ կետի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2022 թվականի ընթացքում ենթակա են վերադարձման ՀՀ պետական բյուջե:

4. ՊԱՅՄԱՆԱԳՐԻ ԱՐԴՅՈՒՆՔԻ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

4.1. Պայմանագրի արդյունքն ընդունվում է Պետական մարմնի և Կատարողի միջև հանձնման-ընդունման ակտի ստորագրմամբ: Մինչև Պայմանագրով ստանձնված պարտավորությունների կատարման համար նախատեսված օրը ներառյալ Կատարողը armeps էլեկտրոնային համակարգի միջոցով (գործողության իրականացման ձեռնարկը տեղադրված է www.minfin.am հասցեով գործող կայքի «Դրամաշնորհներ» բաժնի «Ուղեցույցներ, ձեռնարկներ» ենթաբաժնում) պետական մարմնին է տրամադրում իր կողմից ստորագրված՝ հանձնման-ընդունման ակտը Հավելված N 3) և հաշվետվությունը: Ընդ որում Կատարողը հանձնման-ընդունման ակտը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին,

4.2. Եթե իրականացված միջոցառումը համապատասխանում է Պայմանագրի պայմաններին, Պետական մարմինը պայմանագրի 4.1. կետում նշված փաստաթղթերը ստանալու օրվան հաջորդող աշխատանքային օրվանից հաշված 10 աշխատանքային օրվա ընթացքում ստորագրում և armeps էլեկտրոնային համակարգի միջոցով Կատարողին է տրամադրում իր կողմից ստորագրված հանձնման-ընդունման ակտը,

4.3. Եթե իրականացված միջոցառումը կամ դրա մի մասը չի համապատասխանում Պայմանագրի պայմաններին, ապա Պետական մարմինը չի ստորագրում հանձնման-ընդունման ակտը և պայմանագրի 4.2. կետում նշված ժամկետում armeps էլեկտրոնային համակարգի միջոցով Կատարողը հետ է վերադարձնում հանձնման-ընդունման ակտը՝ նշելով դրա չստորագրման համար հիմք հանդիսացած անհամապատասխանությունը: Սույն կետի

կիրառման դեպքում Պետական մարմինը ձեռնարկում է նման իրավիճակի համար Պայմանագրով նախատեսված միջոցները և Կատարողի նկատմամբ կիրառում է Պայմանագրով նախատեսված պատասխանատվության միջոցներ,

4.4. Եթե Պայմանագրի 4.2. կետով սահմանված ժամկետում Պետական մարմինը չի ընդունում Պայմանագրի 4.1. կետում նշված փաստաթղթերը կամ չի մերժում դրա ընդունումը, ապա իրականացված միջոցառումը համարվում է ընդունված և Պայմանագրի 4.2. կետով սահմանված վերջնաժամկետին հաջորդող աշխատանքային օրը Պետական մարմինը armeps էլեկտրոնային համակարգի միջոցով Կատարողին է տրամադրում իր կողմից ստորագրված հանձնման-ընդունման ակտը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ ԵՎ ՊԱՅՄԱՆԱԳԻՐԸ ԴԱԴԱՐԵՑՆԵԼՈՒ ԿԱՐԳԸ

5.1. Պայմանագրով նախատեսված պարտավորությունները Կողմերը պարտավոր են կատարել պատշաճ և սահմանված ժամկետներում: Դրանք ոչ պատշաճ կամ ժամկետանց կատարելու, չկատարելու կամ կատարելուց խուսափելու դեպքում, ինչպես նաև իրենց գործողություններով կամ անգործությամբ Պայմանագրի կատարման համար խոչընդոտներ ստեղծելու, մյուս կողմին վնաս պատճառելու համար կողմերից յուրաքանչյուրը պատասխանատվություն է կրում մյուս կողմին պատճառած վնասների լրիվ ծավալով՝ օրենքով սահմանված կարգով,

5.2. Պայմանագիրը կարող է վաղաժամկետ լուծվել Կողմերից որևէ մեկի նախաձեռնությամբ՝ մյուս կողմի՝ Պայմանագրի պայմանները խախտելու դեպքում: Այդ ժամանակ նախաձեռնող կողմը պետք է ստանա վնասների լրիվ չափով փոխհատուցում,

5.3. Պայմանագիրը վաղաժամկետ դադարեցնելը կամ լուծելը Կատարողի կողմից այն կատարել շարունակելն աննպատակահարմար լինելու դեպքում կամ այլ պատճառաբանությամբ չի թույլատրվում: Նման դեպքում Պետական մարմինը իրավունք ունի կամ ստանալ Պայմանագրի 3.1-ին կետով նախատեսված գումարի լրիվ փոխհատուցումը, կամ պահանջել Պայմանագրի հարկադիր կատարումը,

5.4. Պայմանագրի 1.1-ին կետով նախատեսված աշխատանքների համար պայմանագրով սահմանված ժամկետները Կատարողի կողմից չպահպանելու դեպքում վերջինս Պետական մարմնին վճարում է տույժ՝ հանձնման ենթակա, սակայն չհանձնված աշխատանքների արժեքի 0.05 (հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար,

5.5. Պայմանագրով նախատեսված հաշվետվությունների ներկայացման համար նախատեսված ժամկետները չպահպանելու դեպքում Կատարողը Պետական մարմնին վճարում է տույժ՝ պայմանագրի գնի 0.05 (հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար:

6. ՊԱՅՄԱՆԱԳՐՈՎ ՆԱԽԱՏԵՍՎԱԾ ԱՇԽԱՏԱՆՔԻ ԿԱՏԱՐՄԱՆ, ՀԱՇՎԵՏՎՈՒԹՅՈՒՆՆԵՐԻ ՆԵՐԿԱՅԱՑՄԱՆ ԺԱՄԿԵՏԸ

6.1. Պայմանագրով նախատեսված աշխատանքի կատարման ժամկետը մինչև 2022 թվականի դեկտեմբերի 1-ն է, իսկ հաշվետվությունների ներկայացման ժամկետը մինչև 2022 թվականի դեկտեմբերի 7-ը:

7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

7.1. Պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով պարտավորությունների կատարումը: Եթե անհաղթահարելի ուժի ազդեցությունը շարունակվում է երեք ամսից ավելի, ապա Կողմերից յուրաքանչյուրը իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

8. ՎԵՃԵՐԻ ԼՈՒԾՄԱՆ ԿԱՐԳԸ

8.1. Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերվելու դեպքում վեճերը լուծվում են օրենքով սահմանված կարգով:

9. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

9.1. Պայմանագիրը ուժի մեջ է մտնում Կողմերի ստորագրման պահից և գործում է մինչև Կողմերի պարտավորությունների ողջ ծավալով կատարման ավարտը:

10. ՄՈՆԻԹՈՐԻՆԳԸ

10.1. Պետական մարմինը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ,

10.2. Մոնիթորինգն իրականացվում է Պետական մարմնի և (կամ) նրա կողմից լիազորված անձի կողմից,

10.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Կատարողին տրվում են ցուցումներ, և կատարվում են առաջարկություններ,

10.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր,

10.5. Մոնիթորինգի իրականացման ընթացքում Կատարողից կարող են պահանջվել գրավոր ու բանավոր պարզաբանումներ և բացատրություններ:

11. ԱՅԼ ՊԱՅՄԱՆՆԵՐ

11.1. Պայմանագիրը կազմված է 10 թերթից, կնքվում է 2 օրինակից, որոնք ունեն հավասարազոր իրավաբանական ուժ,

11.2. Սույն պայմանագրում լրացումներ ու փոփոխություններ կատարելու վերաբերյալ համաձայնությունները կազմվում են գրավոր և հաստատվում են Կողմերի ստորագրությամբ:

12. ՏԵՂԵԿՈՒԹՅՈՒՆՆԵՐ ԿՈՂՄԵՐԻ ՄԱՍԻՆ

ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի և
սպորտի նախարարություն
Երևան, Վ. Սարգսյան 3
Կառավարական տուն N 2

ՀՀ ՖՆ գործառնական վարչություն

Հ/Հ 900011032399 / հլիհ 02698732

Գլխավոր քարտուղար **Գ. Սաֆարյան**
(ստորագրություն)



ԿԱՏԱՐՈՂ՝

«Պատմամշակութային ժառանգության
գիտահետազոտական կենտրոն» ՊՈԱԿ

Ք. Երևան, Փ. Բուզանդի 1/3

ՀՀ ՖՆ գործառնական վարչություն

Հ/Հ 900018001785, հլիհ 02511444

Տնօրեն՝ Խ. Հարությունյան

(ստորագրություն)



ԾՐԱԳԻՐ

«Լոռվա պատմամշակութային ժառանգությունը»

1	Կազմակերպության անվանում	«Պատմամշակութային ժառանգության գիտահետազոտական կենտրոն» ՊՈԱԿ
2	Կազմակերպության գտնվելու վայր	Ք. Երևան, Փ. Բուզանդի 1/3
3	Ծրագրի անվանում	«Լոռվա պատմամշակութային ժառանգությունը»
3.1	Բովանդակություն	<p>«Լոռվա պատմամշակութային ժառանգությունը» անվամբ ծրագիրը ներառում է «Լոռի-Փամբակի երկրագիտական թանգարան»-ի ֆոնդերում պահվող և անմխիթար վիճակում գտնվող հնագիտական մեծարժեք առարկաների վերականգնում՝ թանգարանի տրամադրած վերականգնման ենթակա առարկաների ցանկի հիման վրա: Վերականգնված առարկաների մեծ մասը 2022 թ. վերջին արդեն կհամալրվի թանգարանի մշտական ցուցադրությունը, ինչպես նաև լիարժեք հասանելի կլինի հետազոտողներին:</p> <p>Դրամաշնորհով նախատեսվում է նաև նոր վերականգնված նյութերի համար ցուցափեղկերի ձեռքբերում:</p> <p>Ծրագիրը իրականացվելու է «Լոռի-Փամբակի երկրագիտական թանգարան» և ՀՀ ԿԳՄՍ նախարարության «Պատմամշակութային ժառանգության գիտահետազոտական կենտրոն» ՊՈԱԿ-ների սերտ համագործակցությամբ և ունենալու է շարունակական բնույթ, ծրագրի շարունակությունը ենթադրում է 2023թ. ցուցադրության կազմակերպման աշխատանքներ: «Պատմամշակութային ժառանգության գիտահետազոտական կենտրոն» ՊՈԱԿ-ը, դիմելով ՀՀ ԿԳՄՍ նախարարության դրամաշնորհին, ստանձնում է վերջին տարիներին Լոռու մարզում կատարված պեղումների արդյունքում հայտնաբերված, «Լոռի-Փամբակի երկրագիտական թանգարան» հանձնված և հնագիտական զգալի հետաքրքրություն ներկայացնող առարկաների, ինչպես նաև ազգագրական հատկանշական նյութերի</p>

		վերականգնումը: Այս աշխատանքներն իրականացվելու են ս. թ. հուլիս-դեկտեմբեր ամիսներին «Պատմամշակութային ժառանգության գիտահետազոտական կենտրոն»-ի՝ վերջերս տեխնիկապես և մասնագիտական ներուժով համալրված վերականգնման բաժնում:
3.2	Նպատակ	Ներկայացվող ծրագիրն իր սպասվող ցուցադրությամբ ապահովելու է գեղարվեստական և սոցիալական բաղադրիչները, քանի որ նախ բարեփոխվելու է թանգարանի ցուցադրությունը, լրացվելու նոր և առավել հատկանշական իրերով, ապա և ընդունելու է այցելուների սոցիալական ամենատարբեր շերտերից: Սա նաև թանգարանի առաջնահերթություններից է, որի ուղղությամբ աշխատանքներն ամենօրյա բնույթ են կրում: Մյուս կողմից՝ վերականգնված իրերը այսուհետ առանց որևէ խոչընդոտի հասանելի կլինեն նաև հետազոտողներին՝ հրատարակությունների նպատակով:
3.3	Անցկացման ժամկետ	01.08.2022թ.-15.12.2022թ.
3.4	Անցկացման վայր	Նյութերի վերականգնումը իրականացվելու է Ք. Երևան, Թախրով 9 հասցեում գտնվող և նոր սարքավորումներով հագեցած մասնագիտական լաբորատորիայում: Վերականգնված նյութերը տեղափոխվելու են Ք. Վանաձոր՝ «Լոռի-Փամբակի երկրագիտական թանգարան»:
3.5	Ակնկալվող արդյունքներ	Դրամաշնորհի շնորհիվ «Լոռի-Փամբակի երկրագիտական թանգարան»-ն իր այցելուներին կկարողանա ներկայանալ նորովի՝ թե՛ ցուցադրության նյութով և թե՛ ցուցափեղկերով:
3.6	Ոչ ֆինանսական ցուցանիշներ	Ծրագրով նախատեսվում է թվով 38 անոթի վերականգնում, կոնսերվացում՝ ցանկը ներկայացվել է կից հավելվածով (բոլոր առարկաները բերվելու են վերջնական թանգարանային տեսքի): Նախատեսվում է նաև վերականգնված գտածոների համար նոր ցուցափեղկերի ձեռքբերում: Հաշվի առնելով դրամաշնորհի ներկայացված ծրագրի բազմաբաղադրիչ լինելը՝ ծրագրի ուղղակի շահառուների թիվը բավական մեծ է; Դրանց շարքում են Լոռու մարզի բազմաթիվ դպրոցների աշակերտներ, ուսանողներ, մշակութասեր բազմաթիվ անձինք, որոնք մշտապես այցելում են թանգարան: Այս համատեքստում դարձյալ նշելի է, որ «Լոռի-Փամբակի երկրագիտական թանգարան»-ը մարզի ամենից այցելվող մշակութային հաստատություններից է, ուստի՝ այստեղ իրականացված միջոցառումները ունեն թիրախային նշանակություն: Շահառուների թվում են նաև հետազոտողներ

	<p>և դարձյալ ուսանողներ: «Լոռի-Փամբակի երկրագիտական թանգարան»-ի այցելուների թիվը 2021 թ. հասել է շուրջ 3000-ի, իսկ դրամաշնորհային այս ծրագրի շնորհիվ շահառուների թիվն առավել կընդարձակվի: Ծրագրի իրականացման ողջ ընթացքում այս խմբերի ներկայացուցիչները, ինչպես նաև թանգարանի աշխատակազմն ակտիվորեն ներգրավված են լինելու կազմակերպչական աշխատանքներում: Շահառուների թիվը կհասնի մոտ 5000-ի:</p>
--	--

ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի և սպորտի նախարարություն
 Երևան, Վ. Սարգսյան 3
 Կառավարական տուն N 2
 ՀՀ ՖՆ գործառնական վարչություն
 Հ/Հ 900011032399, հվհհ 02698732
 Գլխավոր քարտուղար՝
Գ. Սաֆարյան
 (ստորագրություն)



ԿԱՏԱՐՈՂ՝

«Պատմամշակութային ժառանգության գիտահետազոտական կենտրոն» ՊՈԱԿ
 Ք. Երևան, Փ. Բուզանդի 1/3
 ՀՀ ՖՆ գործառնական վարչություն
 Հ/Հ 900018001785, հվհհ 02511444
Տնօրեն՝ Խ. Հարությունյան
 (ստորագրություն)



Հավելված N 2
 29 «08» 2022 թ.
 N 300 պայմանագրի

ՆԱԽԱՀԱՇԻՎ
 «Լոռվա պատմամշակութային ժառանգությունը» ծրագրի

Հ/Հ	Ծախսատեսակի անվանումը	Չ/Մ	Քանակ	Մեկ միավորի արժեքը (հազար)	Գումարը (հազար դրամ)
1	Վարձատրության ծախս, ներառյալ հարկերը, այդ թվում՝				516.7
	ծրագրի համադեկավար	մարդ	2	140.0	280.0
	վերականգման աշխատանքների պատասխանատու	մարդ	1	76.7	76.7
	օգնական	մարդ	2	80.0	160.0
2	Կազմակերպչական ծախսեր, այդ թվում՝				1,350.0
	թանգարանային առարկաների վերականգնում	հավաքածու	1	700.0	700.0
	ցուցափեղկերի պատրաստում	հատ	10	65.0	650.0
3	Վարձակալության ծախս՝				50.0
	բեռնատար մեքենա (թանգարանային առարկաների փոխադրում)՝ Վանաձոր-Երևան- Վանաձոր	հատ	1	50.0	50.0
	ԸՆԴԱՄԵՆԸ				1,916.7
	ԱԱՀ՝				383.3
	ԸՆԴԱՄԵՆԸ, ներառյալ ԱԱՀ				2,300.0

* ԱԱՀ-ի գծով լրացուցիչ հատկացումները որպես հարկային պարտավորություն ենթակա են վճարման Կատարողի կողմից որպես ԱԱՀ, հակառակ դեպքում ենթակա են վերադարձման ՀՀ պետական բյուջե:

ՊԵՏԱԿԱՆ ՄԱՐՄԻՆ՝
 կրթության, գիտության, մշակույթի
 սպորտի նախարարություն
 Երևան, Վ. Սարգսյան 3
 Կառավարական տուն N 2
 ՀՀ ՖՆ գործառնական վարչություն
 Հ/Հ 900011032399, ԿԿԻԻ 02698732
 Գլխավոր քարտուղար՝ Գ. Ասֆադյան
 (ստորագրություն)



ՀՀ
 և **ԿԱՏԱՐՈՂ՝**
 «Պատմամշակութային ժառանգության
 գիտահետազոտական կենտրոն» ՊՈԱԿ
 Ք. Երևան, Փ. Բուզանդի 1/3
 ՀՀ ՖՆ գործառնական վարչություն
 Հ/Հ 900018002081, ԿԿԻԻ 02512394
 Տնօրեն՝ Կ. Հարությունյան
 (ստորագրություն)



Կատարող

 գտնվելու վայրը _____
 հհ _____
 հվհհ _____

Պետական մարմին

 գտնվելու վայրը _____
 հհ _____
 հվհհ _____

ԱԿՏ N
ՊԱՅՄԱՆԱԳՐԻ ԿԱՐԳԻ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ ԸՆԴՈՒՆՄԱՆ

« » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « » « » 20 թ.

Պայմանագրի համարը՝
 Պետական մարմինը և Պայմանագրի կողմը՝ հիմք ընդունելով պայմանագրի կատարման վերաբերյալ ներկայացված –
 — հաշվետվությունը, կազմեցին սույն արձանագրությունը հետևյալի մասին.
 Պայմանագրի շրջանակներում Պայմանագրի կողմը իրականացրել է հետևյալ միջոցառումները՝

N	Իրականացված միջոցառման							
	անվանումը	գործառույթի համառոտ նկարագիրը	արդյունքը		կատարման ժամկետը		Վճարման ենթակա գումարը (հազար դրամ)	Վճարման ժամկետը (ըստ պայմանագրի)
			ըստ պայմանագրի	փաստացի	ըստ պայմանագրի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և հաշվետվությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

 ստորագրություն

 ազգանուն, անուն
 Կ.Տ

Ծառայությունն ընդունեց

 ստորագրություն

 ազգանուն, անուն
 Կ.Տ

ՊԵՏԱԿԱՆ ՄԱՐՄԻՆ
 ՀՀ կրթության, գիտության, մշակույթի
 և սպորտի նախարարություն
 Երևան, Վ. Սարգսյան 3
 Կառավարական տուն N 2
 ՀՀ ՖՆ գործառնական վարչություն
 Հ/Հ 900011032399, հվհհ 02698732
 Գլխավոր քարտուղար՝
Գագիկ Սահարյան
 /ստորագրություն/



ԿԱՏԱՐՈՂ՝
 «Պատմամշակութային ժառանգության
 գիտահետազոտական կենտրոն» ՊՈԱԿ
 Ք. Երևան, Փ. Բուզանդի 1/3
 ՀՀ ՖՆ գործառնական վարչություն
 Հ/Հ 900018001785, հվհհ 02511444
Տնօրեն՝ Խ. Հարությունյան

